



中国国家图书馆  
NATIONAL LIBRARY OF CHINA

新刊古今歲時雜詠卷第十

古詩

中和節

御製中和節日宴百寮二首德宗

韶年啓神序初吉諧良辰肇茲中和節式慶大地春

歡酣朝野同生德區宇均開雲灑膏露草疏芳酒津

歲華今載陽東作方肆勤慙非薰風唱曷用慰吾人

東風變梅柳萬寓生春光中和紀月冷方與天地長

耽樂豈予尚懿茲時景良庶逐亭育恩同致寰海康

君臣永終始交泰符陰陽曲沼水新碧華林桃相芳

勝賞信多歡戒之在無荒



中和節賜百寮燕集因示所懷  
至化恒在宥保和茲息人推誠撫諸夏與物長為春  
仲月風景暖禁城花柳新芳時協金奏錫宴周群臣  
絲竹豈云樂忠賢唯所親庶洽朝野意曠然天下均  
奉和 聖制衣中和節曲江宴百寮

李泌

風俗時有變中和節惟新軒車變闕下宴會曲江濱  
金石何鏗鏘簪纓亦紛綸皇恩降自天品物咸知春  
慈惠匝寰瀛歌詠同君臣欠一韻

奉和 聖製賜百官宴示懷

權德輿

萬方慶嘉節宴喜皇澤均曉開蓂葉初景麗星鳥春  
藻思貞百度著明並三辰物情舒在陽時令弘至仁  
嚮酒和樂披薰絃聲曲新賡歌武弁側永荷玄化醇

皇帝移晦日為中和節 呂渭

皇心不向晦改節號中和淑氣同風景嘉名別詠  
前裙移舊俗賜尺下新科歷象千年正醑醪四海多  
花隨春令發鴻度歲陽過天地齊休慶歡聲欲盪波

中和節詔賜公卿尺貞元八年宏詞陸復禮

春仲令初吉歡娛樂大中皇恩貞百度寶尺賜群公  
欲使方隅法還令規矩同捧觀玕質麗拜受聖心崇  
如荷丘山重思酬分寸功從茲度天地與國慶無窮

同前

李觀

淑節韶光媚皇明寵錫崇具寮頒玉尺成器幸良工  
豈止尋常用將傳度量同人何不取利物亦賴其功  
紫翰宣殊造丹誠厲匪躬奉之無失墜恩澤自天中

同前

裴度

陽和行慶賜尺度及群公荷寵承佳節傾心立大中  
短長思合製遠近貴攸同共仰財成德將酬分寸功  
作程施有政垂範播無窮願續南山壽千春奉聖躬  
吐蕃別館中和寄朝中寮舊 呂溫  
清時令節千官會絕域窮山一病夫遥想滿堂歌笑  
處幾人緣我向西隅

二月一日是貞元舊節可感寄竇三廬七  
同事先皇立玉墀中和舊節又枝離今朝各自看花  
處萬里遥知掩淚時

今詩

中和節

奉和 御製中和節

楊億

佳節更春晦長標令甲名天淵搖綠浪仙杏吐丹禁  
連鼓將驚蟄高枝已變鴛雲謠傳下土漢曲被新聲

奉和 聖製中和節

劉筠

載陽臨仲序初吉協嘉名國授民時正天資植物榮  
草薰翔澤雉風暖度林鶯堯思存稽古洋洋播頌聲



同前

晏殊

正元崇吉序寶歷記良辰營室彤机轉勾芒令祀新  
堯奠方告朔漢酎更宜春萑葉農耕候如膏洒澤頻

古詩

春分

春分投簡明洞天作

元禎

中分春一半今日半春徂老惜光陰甚慵牽興緒孤  
偶成投秘簡聊得泛平湖郡邑移仙界山川展畫圖  
旌旗渡岷浦士女滿闈閣似木吳兒勁如花越女姝  
牛儂驚力直蚕妾笑睂盱恠我携章甫嘲人託鷓鴣  
閭閻隨地勝風俗卉華殊跣足沿流婦頭避役奴

雕題雖少有雞卜尚多巫鄉味尤珍蛤家神愛事烏  
舟船通海嶠田種繞城隅櫛比千艘合袈裟萬頃鋪  
亥茶闐小市漁父隔深蘆日脚斜穿浪雲根遠曳蒲  
款風花氣度新雨草牙蘇粉壞梅辭萼芳紅含杏綴珠  
耨餘秧漸長燒後葑猶枯綠綫高懸柳青錢密辯榆  
馴鷗眠淺瀨驚雉迸平蕪水淨王餘見山空謝豹呼  
燕狂捎蛺蝶螟挂集捕盧減碧鶴新卯深黃鵝嫩鴝  
村扉門白板寺壁耀頰糊禹廟終離郭陳莊恰半途  
石帆何峭峴龍瑞本縈紆穴為探符拆潭因失箭前剗  
隄形鬱熨斗峯勢踴香鑪幢盖迎三洞煙霞貯一壺  
桃枝蟠復直棠樹亞還扶鼈解稱從事松堪作大夫



榮光飄殿閣，虛籟合笙簧。庭狎仙翁鹿，池游縣令鳧。  
君心除健羨，扣寂入虛無。岡蹠翻星紀，章飛動帝樞。  
東皇提白日，北斗下玄都。騎吏袞皆紫，科車幘盡朱。  
地侯鞭社伯，海若跨天吳。霧噴雷公怒，煙揚竈鬼趨。  
投壺怜玉女，喫飯笑麻姑。果實經千歲，衣裳重六銖。  
瓊盃傳素液，金匕進雕胡。掌裏承來露，杯中釣得鱸。  
茵生悲局促，柯爛覓須臾。稊米休言聖，醯雞益伏愚。  
鼓鼙催暝色，箝組縛微軀。遂別真徒侶，還來世路衢。  
題詩歎城郭，揮手謝妻孥。幸有桃源近，全家肯去無。

次韻

白居易

青春行已半，白日坐將徂。越國強仍大，稽城高且孤。

利饒鹽煮海，名勝鏡澄湖。牛斗天垂象，台明地展圖。  
天台四環竒填市井，佳麗溢閭閻。句踐遺風霸，西施舊  
俗姝。船頭龍夭矯，橋脚獸睚眦。鄉味珍彭越，時鮮貴  
鸕鶿。語言諸夏異，衣服二方殊。擣練蛾眉婢，鳴榔  
角奴。江清敵伊洛，山翠勝荆巫。華表雙栖鶴，聯檣幾  
點烏。煙波分渡口，雲樹接城隅。澗遠松如畫，洲平葑似  
鋪。綠針秧早稻，紫笋坼新蘆。暖踏泥中藕，香尋石上  
蒲。兩來萌盡達，雷後蟄全蘇。柳眼黃絲類，花房紅蠟  
珠。林風新竹折，野燒老桑枯。帶蕻長條蕙，錢穿短貫  
榆。暄和生野菜，卑濕長街蕪。女浣紗相伴，兒烹鯉一  
呼。山魈啼稚子，林狖挂都盧。產業論蚕蟻，孳生計鴨鵒。



泉巖雪飄洒苔壁錦漫糊堰限舟航路堤通車馬途耶  
溪岸迴合禹廟逕盤紆洲穴何因鑿星槎誰與剗石  
切仙藥曰峯峭佛香鑪去為投金簡來因挈玉壺貴  
仍招客宿健未要人扶問望賢丞相儀形美丈夫前  
駟駐旌旆徧坐列笙竽刺史襖翻隼尚書履曳鳧學  
禪超後有觀妙造虛無髻裏傳曾實環中得道樞登  
樓詩八韻置硯賦三都捧擁羅將綺趨鎗紫與朱廟  
謀藏稷高兵略貯孫吳令下三軍整風亭四海趨千  
家得慈母六郡事嚴姑重事過三哺輕財抵一銖婆  
誰云他他自在送觥歌宛轉嘲妓笑盧胡佐欽時魚鼈蠲  
天衣重一銖醒數鱸鱸醉御雖咫尺樂事亦須臾若不中賢聖何

由外智愚伊予一生志我爾百年軀江上三千里城  
中十二衢出多無伴侶歸祇對妻孥白首青山約抽  
身去得無

今詩

春分

春分後作

東溪先生

中分和煦半分侵風惡桃枝已不禁山雨晝昏千里  
目野禽誰識一春心手輪曆日怜時物自覓詩題遣  
醉吟花下潛夫聊自慰幾人談笑對園林

春分後雪

東坡

雪入春分省見稀半開桃杏不勝威應慚落地梅花

濕却作漫天柳絮飛。不分東君專節物。故將新巧發陰機。從今造物尤難料。更暖須留御臘衣。

古詩

春社

州城西園入齋祠社

陳叔達

舛壇預潔祀。詰旦肅分司。達氣風霜積。登光日色遲。農教先八政。陽和秩四時。新年服垂冕。吉幣動褰帷。瘞地尊節奠。人天庶有資。椒蘭萃清酌。簠簋徹香其。折俎分歸昨。充庭降受釐。方憑知禮節。况奏化雍熙。

社日兼春分端居有懷

權德輿

清晝開簾坐。風光處。生看花詩思發。對酒客愁輕。

社日雙飛鷺。春分百轉鶯。所思終不見。還是一含情。

社日題華嶽寺

貞元二十年正月二十五日自洛之京二月三日春社至華嶽

寺慈實師院曾未踰月又復

元稹

山前古寺臨長道。來往淹留為愛山。雙鷺營巢始西別。百花成子又東還。暝駘羸馬頻看候。曉聽鳴雞欲度關。羞見竇師無外役。竹窓依舊老身閑。

嘉興社日

李商隱

消渴天涯寄病身。臨邛知我是何人。今年社日分餘肉。不值陳平又不均。

社日早出赴祠祭

令狐楚

滿城人盡閑。惟我早開關。慙被家童問。因何別舊山。



遭田父泥飲美嚴中丞

杜甫

步獮隨春風，村村自花柳。  
田翁逼社日，邀我嘗春酒。  
酒酣誇新尹，畜眼未見有。  
迴頭指大男，渠是弓弩手。  
名在飛騎籍，長番歲時久。  
前日放營農，辛苦救衰朽。  
差科死則已，誓不舉家走。  
今年大作社，拾遺能往否？  
叫婦開大錦，盆中為吾取。  
感此氣揚揚，須知風化首。  
語多雖雜亂，說尹終在口。  
朝來偶然出，自卯將及酉。  
久客惜人情，如何拒鄰叟。  
高聲索果栗，欲起時被肘。  
指麾過無禮，未竟村野醜。  
月出遮我留，仍嗔間升斗。

今詩

春社

社日寄君庸主簿

黃魯直

花發社公雨，陰寒殊未開。  
初聞燕子語，似報主人來。  
遮眼便書冊，逃聲欠酒盃。  
傳聲習主簿，勤為撥春醅。

次韻劉原甫社後對雪

梅聖俞

社日遇羣飲，北風歸馬驕。  
陽烏雲斗晦，來鷺翅難調。

朝霰侵花冷，春英到地消。  
宿醒無酒解，薄被竟寒饒。

爐炭重燃獸，衣裝更御貂。  
蟄宮蟲復閉，時鳥腹將枵。

點綴何多思，輕狂不柰飄。  
唯知妍可玩，寧恤氣為妖。

剡客偶然興，海神非次朝。  
唱高仍知寡，公又作長謠。

依韻奉和永叔社日

玉卯不吞龍，嗜肉鷺子成。  
兒去華屋老，樞年黃田鼓。



鳴樹下宰平誰似玉茂陵嘗說泣秋風王母借傳雙  
鬢綠東方伏日思早歸長飢不及侏儒腹殯豕新烹  
白醪熟奮衣地坐無拘束驪山夜寒抗底哭漫把漆  
書留家竹

次韻和長文社日襟祀出城

曉出春風已擺條應逢社伯馬蹄驕壇邊宿雨微霑  
麥水上殘冰擁過橋鸞子飛來依約近鴈行歸去試  
教條北扉西掖多才思相與飄飄在沉寥

春社

年、迎社雨淡、洗林花樹下賽田鼓壇邊伺肉鷄  
春醪朝共飲野老暮相譁鸞子何時至長年點翅斜

五月十七日四鼓夢與孺人在宮庭謝恩  
至尊令小黄門宣諭曰今日社卿喜此  
佳辰便可作詩進來枕上口占

同謁未央殿共霑明主恩冕旒親日月蹈舞荷乾坤  
龍尾三重峻螭頭幾級尊德音欣社日撫語走黃門  
陰會皆如實陽開不復存空餘破窓月流影到床垠

社日

欲社先知雨將歸未見花那能長作客夜夜夢還家

奉和聖制衣社日

晏殊

天官考歷占元日浹寓祈農協盛時芟怍尚傳周室  
頌粉榆仍秩漢家祠三農普逐耕耘樂萬象均承雨



露滋推策授人敷景化穰嘉貺億年期

社日

山郡多暇日社時放吏歸坐閣獨成悶行塘閱清輝  
春風動高柳芳園掩夕扉遙思里中會心緒悵微微

新刊古今歲時雜詠卷第十

新刊古今歲時雜詠卷第十一

古詩

寒食上

詠寒食鬪雞秦王教

杜淹

寒食東郊道揚溝競出籠花冠初照月芥羽正生風  
顧敵心知勇先鳴奮氣雄長翹頻掃陣利距屢通中  
飛毛遍綠野洒血散芳叢雖然百戰勝會自不論功

驩州風景不作寒食

沈佺期

海外无寒食春來不見錫洛陽新甲子何日是清明  
花柳爭朝發軒車滿路迎帝鄉遙可念腸斷報親情  
寒食還陸渾別業

宋之問



洛陽城裏花如雪陸渾山中今始發  
旦別河橋楊柳風夕卧伊川桃李月  
伊川桃李正芳新寒食山中酒復春  
野老不知堯舜力酣歌一曲太平人

寒食江州蒲塘驛

去年上巳洛橋邊今年寒食廬山曲  
遙憐鞏樹花應滿復見吳洲草新綠  
吳洲春草蘭桂芳感物思歸懷故鄉  
驛騎明朝宿何處猿聲今夜斷君腸

初到黃梅臨江驛

馬上逢寒食愁中屬暮春可憐江浦望  
不見洛橋人北極懷明主南溟作逐臣  
故園腸斷處日夜柳條新和宋十一臨江驛作

春分自淮北寒食渡江南忽見尋陽水  
疑是宋家潭明主閣難叫孤臣逐未堪  
遙思故園陌桃李正酣

宋司倉上巳日寒食題臨江驛篇見而  
興感率尔同作

崔融

聞道山陰會仍為火忌辰途中甘弃日  
江上苦傷春流水翻催淚寒灰更伴人  
丹心終不改白髮為誰新

寒食絕句

李弗嗣

普天皆滅焰匝地盡藏煙不知何處火  
來促客心燃

寒食應制

韋承慶

鳳條春色滿龍葉早輝通舊火收槐燧  
餘寒入桂宮鶯啼正隱葉雞聞始開籠  
諠搖山滿仙歌始樂風



初入秦川路逢寒食

明皇

洛川芳樹映天津，灞岸垂楊翠地新。  
直為經過行處樂，不知虛度兩京春。  
去年有閨今春早，曙色和風著  
花草。可憐寒食與清明，光輝併在長安道。  
自從關路入秦川，爭到何人不戲鞭。  
公子塗中妨蹴鞠，佳人馬上廢鞦韆。  
清水長橋今欲度，忽見新豐樹遠看。  
驪岫入雲霄，預想湯池起烟霧。  
烟霧氛氲水殿開，灑拂香泉歸去來。  
今歲清明行已晚，明年寒食更相陪。

應制奉和

張說

上陽柳色喚春歸，臨渭桃花拂水飛。  
摠為朝廷巡幸去，頓教京洛少光輝。  
昨從分陝山南口，馳道依、漸

花柳入關正，投寒食前還京。遂落清明後，路上天心  
重。豫遊御前恩，賜特風流便。曩那能鏤雞子，行宮善  
巧帖毛裘。渭橋南渡花如扑，麥隴青、斷人目。漢家  
行樹直，新豐秦地驪山抱。温谷温谷香池春，溜平預  
歡浴。日照京城今歲隨，宜過寒食明年陪。調作清明  
奉和寒食應制

寒食春過半，花穠鳥復嬌。從來禁火日，會接清明朝。  
問敵雞殊勝，爭球馬絕調。晴空教雲點，香樹百風搖。  
改木迎新燧，封田表舊燒。皇情愛嘉節，傳曲與簫韶。  
襄陽路逢寒食

去年寒食洞庭波，今年寒食襄陽路。不辭看處多山



水祗畏還家落春暮

寒食宴于中舍兄弟宅

蘇頲

子推山上歌龍罷定國門前細  
駟來始觀元昆鏘玉  
至旋聞季子佩刀迴晴花處  
因風起御柳條向日  
開自有長筵勸不極還持綵服詠南陔

常州崔使君和寒食夜

孫逖

聞道清明近春庭向夕闌  
行游晝不歇風月夜宜看  
斗柄更和轉梅香暗裏殘  
無勞秉華燭晴月在南端

和上已連寒食有懷京洛

天津御柳碧遙、軒騎相從半  
下朝行樂光暉寒食  
借太平歌舞曉春饒紅粧樓下東郊道  
青草洲邊南

渡橋坐見司空掃西第看君待從落花朝

寒食汜水山中作

王維

廣武城邊逢春暮汶陽歸客淚沾巾  
落花寂、啼山  
鳥楊柳青、渡水人

寒食城東即事

清溪一道穿桃李演漾綠蒲涵  
白芷溪上人家凡幾  
家落花共落東流水蹴踘屢過飛  
鳥上鞦韆競出垂  
楊裏少年分日作遨遊不用清明兼上已

寒食

盧象

子推言避世山火遂焚身四海同寒食  
千秋為一人  
深冤何用道峻跡古無隣魂魄山河氣  
風雷寓御神



光煙榆柳滅怨曲龍蛇新可歎文公霸平生負此臣

寒食即事

王昌齡

晉陽寒食地風俗舊來傳雨滅龍蛇火春生鴻雁天  
猶移鄉伎出歌發舞雲旋西見之推廟空為人所怜

寒食

杜甫

寒食江村路風花高下飛汀烟輕冉、竹日淨暉暉  
田父要皆去隣家問不違地徧相識盡雞犬亦忘歸

一百五日夜對月

無家對寒食有淚如金波斫却月中桂清光應更多  
化離放紅藥想像嚙青娥牛女漫愁思秋期猶渡河

寒食夜蘇二宅

寒食明堪坐春參夕已垂好風經柳葉清月照花枝  
客淚聞歌掩歸心畏酒知佳辰邀賞遍忽忽更何為

寒食日寄李補闕

郭鄭

蘭陵士女滿晴川郊外紛紛拜古埏萬井閭閻皆禁  
火九原松柏自生煙人間後事悲前事鏡裏今年老  
去年介子終知祿不及王孫誰肯一相憐

寒食

盧綸

孤客飄、歲載華况逢寒食倍思家鶯啼遠野多從  
柳人哭荒墳亦有花濁水秦渠通渭急黃埃京洛上  
原斜駘車西近長安好宮觀參差半隱霞

舟中寒食



寒食空江曲孤舟渺不前  
鬪雞沙鳥異禁火岸花燃  
日霽開愁望波喧警醉眠  
因看數莖髮倍欲惜芳年

寒食日即事

韓翃

春城無處不飛花  
寒食東風御柳斜  
一夜漢宮傳蠟燭  
青煙散入五侯家

寒食

韋應物

清明寒食好春園百卉開  
綵繩拂花去輕球度閣來  
長歌送落日緩吹逐殘杯  
非閑無燭罷良為羈思催

寒食日寄諸弟

禁火暖佳辰念離獨傷抱  
見此野田花心思杜陵道  
聯騎定何時予今顏已老

寒食後北樓

園林過新節風花亂高閣  
遙聞擊鼓聲蹴鞠軍中樂

寒食

雨中禁火空齋冷江上流鶯  
獨坐聽把酒看花想諸弟  
杜陵寒食草青青

寒食絕句

孟雲卿

二月江南花滿枝他鄉寒食  
遠堪悲貧居往、無煙火  
不獨明朝為子推

寒食日恩賜火

竇叔向

恩光及小臣花燭忽驚春  
電影隨中使星輝挹路人  
幸因榆柳暖一照草茅貧



平陵寄居再逢寒食

宋灣

幾迴江上泣途窮每遇良辰歎轉蓬  
火燧知從新節變灰心還與故人同  
莫聽黃鳥啼愁處自有花開  
客中貧病固應無撓事但將懷抱醉春風

逼寒節寄崔七

湖州崔使君之子

閑庭只是長苔莓三徑曾無車馬來  
旅館尚愁寒食火羈心嬾向不燃  
灰門前下客雖彈鋏溪畔窮魚且  
曝腮他日趨庭因問禮須言陋巷有顏回

寒食日同陸處士行報德寺宿

釋皎然

古寺章陵下潛公住幾年安心生軟草  
灌頂引春泉寂々傳燈地寥々禁火天  
世間多暗室白日為誰懸

和陸中丞使君長源寒食日作

寒食江天氣最清庭公晨望動商清  
因逢內火千家靜更覩行春萬木榮  
深淺山容飛雨細縈紆水態拂雲輕  
腰章本郡誰相似數日臨人政已成

寒食下第通簡長安故人

武元衡

柳挂九衢絲花飄萬家雪如何憔悴容  
對此芳菲節寒食都人重勝游相如獨  
自閉門愁嘗聞婁護因名達君試將余  
問五侯

同陳六待御寒食日游禪定藏山上人院

年少輕行樂東城南陌頭多君寂寞意  
共作草堂游

寒食野望

熊孺登



拜掃無過骨肉親一年唯此兩三辰塚頭莫種有花  
樹春色不關泉下人

雨中寒食

羊士諤

令節逢煙雨園亭但掩關佳人宿粧薄芳樹綵繩閑  
歸思偏銷酒春寒為近山花枝不可見別恨五陵間

折柳亭

別館青山郭遊人折柳行落花經上已細雨帶清明  
題鵝流芳暗鴛鴦曲水平歸心何處醉寶瑟有秦聲

太原寒食觀伎上嚴司空

楊巨源

天倚王師靜沙漠年々寒食并州樂珠華相暨駕重



拜掃無過骨肉親一年唯此兩三辰塚頭莫種有花  
樹春色不關泉下人

雨中寒食

羊士諤

令節逢煙雨園亭但掩關佳人宿粧薄芳樹絲繩閑  
歸思偏銷酒春寒為近山花枝不可見別恨五陵間  
寒食宴城北山池即故郡守鄭鋼自為  
折柳亭

別館青山郭遊人折柳行落花經上已細雨帶清明  
題鵝流芳暗鴛鴦曲水平歸心何處醉寶瑟有秦聲

太原寒食觀伎上嚴司空 楊巨源

天倚王師靜沙漠年一寒食并州樂珠華相壓駕重

世處缺一書

之任武陵寒食日途次寄劉負外

賈常

杏花榆莢曉風前雲際離、上峽舩江轉數程淹驛  
騎楚曾三戶少人煙看春又過清明節筭老重經癸  
巳年幸得柱山當郡舍在朝長詠卜居篇

酬賈大負外松滋渡見寄之作

劉禹錫

楚鄉寒食橘花時野渡臨風駐綵旗草色連雲人去  
任水紋如縠鶯參差朱輪尚憶群飛雉青綬初懸左  
顧龜非是溷城魚司馬水曹何事與新詩

寶夔州見寄寒食日憶故姬小紅吹笙



此處缺一葉

之任武陵寒食日途次寄劉負外

竇常

杏花榆莢曉風前  
雲際離、上峽船  
江轉數程淹驛  
騎楚曾三戶  
少人煙  
看春又過清明節  
筭老重經癸  
巳年幸得柱山當  
郡舍在朝長詠  
卜居篇  
酬竇大負外松滋渡見寄之作

劉禹錫

楚鄉寒食橘花時  
野渡臨風駐綵旗  
草色連雲人去  
任水紋如縠  
鷺參差  
朱輪尚憶群飛雉  
青綬初懸左  
顧龜非是湓城魚  
司馬水曹何事與新詩

竇夔州見寄寒食日憶故姬小紅吹笙



因和之

鸞聲窈窕管參差清韻初調衆樂隨幽院粧成花下  
弄高樓月好夜深吹忽驚暮槿飄零盡唯有朝雲夢  
想期聞道今年寒食日東山舊路獨行遲

寒食夜

元稹

紅染桃花雪壓梨玲瓏雞子閉羸時今年不是明寒  
食暗地鞦韆別有期

寒食日

今年寒食好風流此日一家同出游碧水青山無限  
思莫將心道是通州

寒食日毛空路示用晦及從簡

此處缺一葉

寒食夜有懷

寒食非短非長夜春風不熱不寒天可憐時節堪相  
憶何況無燈各早眠

寒食月夜

風香露重梨花濕草舍無燈愁未入南郊北里歌吹  
時獨倚柴門月中立

寒食江畔

草香沙暖水雲晴風景令人憶帝京還似往年春氣  
味不宜今日病心情聞鶯樹下沉吟立信馬江頭取  
次行忽見紫桐花俵望下却明日是清明

寒食夜



四十九年身老日一百五夜月明天抱膝思量何事  
在癡男駸女喚鞦韆

途中寒食

許渾

處處哭聲悲行人馬亦遲店閑無火日村暖斫桑時  
泣路同揚子燒山憶子推清明明日是甘負故園期

新刊古今歲時雜詠卷第十一

新刊古今歲時雜詠卷第十二

古詩

寒食下

中書連直寒食不歸因懷元九

白居易

去歲清明日南巴古郡樓今年寒食夜西省鳳池頭  
併上新人直難隨舊伴游誠知視 貴未免對花愁  
鬢髮莖莖白光陰寸寸流經春不同宿何異在忠州

送李校書赴寒食歸義興山居

大見騰騰詩酒客不憂生計似君稀到舍將何作寒  
食滿船唯載樹栽歸



寒食洛下宴游贈馮李二少尹

豐年寒食節美景洛陽城三尹皆強健七日盡晴明  
東郊蹋青草南園攀紫荊風折海榴豔露墜木蘭英  
假開春未老宴合日屢傾珠翠混花影管絃藏水聲  
佳會不易得良辰亦難并聽吟歌暫輟看舞杯徐行  
米價賤如土酒味濃於餠此時不盡醉但恐負平生  
殷勤二曹長各捧一銀甃

病中多雨逢寒食

水國多陰常懶出老夫饒病愛閑眠三旬卧度鶯花  
月一半春消風雨天薄暮何人吹感粟新晴幾處縛  
鞦韆綵繩芳樹長如舊唯是年年換少年

洛陽寒食日作十韻

上苑風烟好中橋道路平蹴球塵不起潑火雨新晴  
宿醉頭仍重晨游眼乍明老慵雖省事春誘尚多晴  
遇客踟躕立尋花取次行連錢嚼金勒鑿落馮銀甃  
府醞傷教送官娃豈要迎舞腰那及柳歌舌不如鶯  
鄉國真堪戀光陰可合輕三年遇寒食盡在洛陽城

寒食

人老何所樂上在歸鄉國我歸故園來九度逢寒食  
故園在何處池館東城側四隣梨花時二月伊水色  
豈獨好風土仍多舊親戚出去恣惟遊歸來聊燕息  
有官供祿俸無事勞心力但恐憂隱多微躬消不得



玩半開花贈皇甫郎中

八年寒食日世東小樓上作

勿訝春來晚無煩花發遲人怜全盛日我愛半開時  
紫蠟粘為蒂紅蘇點作蕤成都新夾纈梁漢碎燕脂  
樹杪莫珠顛墻頭小女兒淺深粧駁落高下火參差  
蝶戲爭香朵鶯啼選穩枝好交郎作伴合共酒相隨  
醉玩無勝此狂嘶更讓誰猶殘少年興未似老人詩  
西月憑輕照東風莫殺去吹明朝應爛漫後夜更離披  
林下遥相憶樽前暗有期街孟爵藥思唯我與君知

寒食日寄楊東州

不知楊六逢寒食作音底歡娛過此辰堯率寺高宜賞  
月嘉陵江近好游春蠻旗似火行隨馬蜀妓如花坐

遶身不使黔婁夫婦看誇張富貴向何人

病後寒食

故紗絳帳舊青氈藥酒醺引醉眠斗數弊袍春晚  
後摩挲病脚日陽前行無筋力尋山水生少精神聽  
管絃拋擲風光負寒食曾來未省似今年

寒食日過棗糲店

寒食棗糲店春堤楊柳枝酒香留客住鶯語人時  
困立攀花久慵行上馬遲若為將此意前字與僧期

寒食夜寄姚侍御

張籍

貧官久寂寞不異野人居作酒和山藥教兒寫道書  
五湖歸去遠百事病來疎沉憶同懷客寒庭月上初



寒食日內宴

朝光瑞氣滿宮樓，綵蠹魚龍四面稠。  
廊下御厨分冷食，殿前香騎逐飛球。  
千官盡醉猶教坐，百戲皆呈未  
未休。共喜拜恩侵夜出，金吾不敢問行由。  
城闌沉，向晚寒思當令節，賜餘歡。  
瑞炷深處開三殿，香雨微時引百官。  
寶樹樓前分綉幕，綵花廊下映朱欄。  
官筵戲樂年，別已得三迴對御看。

寒食看花

早入公門到夜歸，不因寒食少閑時。  
顛狂遶樹猿離鑠，踴躍緣崗馬斷羈。  
酒污衣裳從客笑，醉饒言語覓花知。  
老來自喜常無事，仰面西園得詠詩。

寒食憶歸

京中曹局無多事，寒食貧兒要在家。  
遮莫杏園勝別處，亦須歸看傍村花。

寒食

綠楊枝上五絲繩，枝弱春多欲不勝。  
唯有一年寒食日，女郎相喚擺階癩。

寒食後

田舍清明日，家家出火遲。  
白衫眠古巷，紅索搭高枝。  
紗帶生難結，銅釵重易垂。  
斬新衣著盡，還似去年時。

寒食書事

今朝一百五，出戶雨初晴。  
舞愛雙飛蝶，歌聞數里鶯。



江深青草岸花滿白雲城為政多孱懦應無酷吏名  
出城烟火少况復是今朝閑坐將誰語臨觴只自謔  
堦前春蘚徧衣上落花飄妓樂州人戲使君心寂寥  
寒食城南即事因訪藍田韋明府

殷克藩

閑出城南禁火天路傍騎馬獨搖鞭青松古墓傷碑  
碣紅杏春園羨管絃徒說鴉膏玉劍漫誇蚨血點  
銅錢世間盡是悠事且飲韋家冷酒眠

建元寺

寺在常州東郭松扉竹院各在崗阜地基踈野  
接郊外每歲寒食時里人猶掃徑過之所大曆  
中詩人郭鄭曾賦寒食詩贈吏部先足當時以為  
絕唱常在童兒即聞此詩非欲和蓋紀事因書

江城物候傷心地遠寺經過禁火辰芳草壠邊迴首

客野花叢裏斷腸人紫荊繁艷空門晝紅葯深開古  
殿春歡惜光陰催白髮莫悲風月獨沾巾

寒食後憶山中

遙思寒食後野老林下醉月照一山明風飄有花氣  
幽泉與萬籟髣髴疑簫吹不待曙華分已應喧鳥至  
寒食日三殿侍宴奉進

宛轉龍歌節差池燕羽高風光搖禁柳霽色暖宮桃  
春露明仙掌晨霞照日袍雪凝陳組綬林植聳干旄  
黃樂初踴鳳神仙欲抃龜鳴霞朱鷺起疊鼓紫騮豪  
象舞嚴金鎧豐歌耀寶刀不勞孫子法自得太公韜  
已上春還內分席羅玄冕行觴舉縹醪中時落羽撞末  
樂破陣樂



乍昇猱瑞景開陰翳薰風散鬱陶天顏歡益晬臣節  
聲忘楛楛矢方來貢彫弓已載橐武威揚絕漢神筭  
靜臨兆已上四句奉述比膚凝寒西戎畏威赤縣陽和布蒼生雨露膏野平唯  
秀麥田闢久無蒿祿秩榮三事功勤乏一毫寢謀慙  
汲黯秉羽愧孫敖煥若遊玄圃懽如享太牢輕生何  
以報只自比鴻毛

寒食野望

李郢

舊墳新隴哭多時  
流世都堪幾度悲  
烏鳥亂啼人未  
遠野風吹散白棠梨

寒食節日寄楚望二首

温庭筠

芳蘭無意綠弱柳何窮  
縷心斷入淮山夢長  
穿楚雨

繁花如二八好月當三五  
愁珀石竟平臯韶紅換幽圃流  
鶯隱圓樹乳鶯喧餘哺曠望戀層臺離憂集環堵當  
年不自遣晚得終何補鄭谷有樵蘇歸來要腰斧  
家乏兩千萬時當一百五颶楊柳風穰櫻桃兩年  
芳苦沉燎心事如摧櫓金犢近瀾汀銅龍接花塢青  
葱建楊宅隱麟端門鼓綵索拂庭柯輕毬落鄰圃三  
春謝游衍一笑牽規矩獨有恩澤侯歸來看楚舞

寒食前有懷

萬物相鮮雨乍晴春寒歲曆近清明  
殘芳荏苒雙飛蝶曉睡朦朧百轉鶯  
舊侶不歸成獨酌故園雖在有誰耕  
悠然更起嚴灘恨一宿東風蕙草生

寒食日作

紅深綠暗遙相交，抱暖含春披紫袍。綵索平時墻婉  
晚輕裘，落處晚寥，稍窓中草色如雞卵。盤上芹泥情  
鷺巢，自有玉樓芳意，在不能騎馬渡煙郊。

走筆答評事翁寄賜餽粥 李商隱

粥香錫白杏花天，省對流鶯坐綺筵。今日寄來春已  
老，鳳樓迢遞憶鞦韆。

寒食行次冷泉驛

歸途仍近節，旅思倍思家。獨夜三更月，空庭一樹花。  
介山當驛秀，汾水遶關斜。自怯春寒苦，那堪禁火賒。

禁火

薛逢

日日冒煙塵，恣禁火辰。塞榆關水濕，邊草賊迴春。  
歲月傷行邁，瘡痍念苦辛。沙中看白骨，腸斷故鄉人。

寒食夜池上對月懷友

雍陶

人間多別離處，是相思海內無煙夜。天涯有月時  
跳魚翻荇葉，驚出花枝親友。皆千里三更獨遠池。

寒食

趙嘏

折柳城邊起暮愁，可憐春色獨懷羞。霑襟正歎人間  
事，迴首更慙江上鷗。鶻聲中寒食酒，芙蓉苑外夕  
陽樓。憑高滿眼送清渭，去傍故山山下流。

寒食新豐別友

一百五日家未歸，新豐雞犬獨依依。滿樓春色傍人

醉半夜雨声前計非繚繞溝塍含綠晚荒涼樹石向  
川微東風吹淚對花落憔悴故交相見稀

東都所居寒食節作

陳潤

江南寒食早二月杜鵑鳴日暖山初綠春寒雨欲晴  
浴蚕看社日改火待清明更喜瓜田好令人憶邵平

寒食遣懷

張燦

繁花泣清露悄、落衣巾明日逢寒食春風見故人  
病來著帶楚西去欲迷秦憔悴此時夜青山歸四隣

寒食山館書情

來鵬

獨把一盃山館中每經時節恨飄蓬侵堦草色連朝  
雨滿地梨花昨夜風蜀魄笑來春寂寞楚囚吟後月

朦朧分明寄得還家夢徐孺宅前湖水東

越中遇寒食

施肩吾

去歲清明雪溪口今朝寒食鏡湖西信知天地心不  
易還有子規依舊啼

樊川寒食

喻鳧

新松 綠草古柏翳黃沙珮珂客驚鳥綺羅人間花  
威塵南北馬碾石去來車川晚悲風動墳前碎紙斜

寒食日郊外

釋雲表

寒食悲看郭外春野田無處不傷神平原累累添新  
塚揔是去年來哭人

寒食日東陽道中作

方干



百花香氣傍行人花底垂鞭日易曛野火不知寒食  
節穿林轉壑自燒雲

寒食日十二時亥時

李宣古

人定朱門尚半開初星粲，點昭回此時寒食無燈  
燭花柳蒼，月欲來

寒食

薛能

美人寒食事春風折盡青，賞盡紅夜半无燈還不  
寐鞦韆懸在月明中

寒食日曲江

曲江池邊青草岸春風林下落花杳都門此日是寒  
食人去多看多身獨來

寒食有懷

流落傷寒食登臨望歲華村毬高過索墳樹綠和花  
晉聚應搜火秦喧定走車誰知恨楊柳風景似吾家

新定陪太守一百五夜南館玩月

陸龜蒙

風雨教春處，傷一宵雲盡見滄浪全無片燭侵光  
彩只有清灘助雪霜煙蔽棹歌歸浦淑露將花影到  
衣裳却嫌殷浩南樓夕一帶秋聲入恨長

洛中寒食

皮日休

千門萬戶掩斜暉繡幃金街晚未歸擊鞠王孫如錦  
地鬪雞公子似花衣嵩雲靜對行臺起洛鳥閑穿上



苑飛唯有路傍無意者  
獻書未納問淮肥  
遠近垂楊映鈿車  
天津橋影獸神霞  
弄春公子正迴  
首趨節行人不到家  
洛水萬年雲母竹  
漢陵千載野棠花  
欲知豪貴堪愁處  
請看印山晚照斜

登第後寒食杏園有宴因寄錄事宋垂

文同年

雨洗清明萬象鮮  
滿城車馬簇紅筵  
恩榮雖得陪高會  
科禁惟憂犯列仙  
當醉不知開火日  
正貧那似看花年  
縱來恐被青娥笑  
未納春風一宴錢

次韻酬張補闕俯臨寒食見寄

鄭谷

柳近清明翠鏤長  
多情石袞不相忘  
開絨雖覩新篇麗  
破鼻須聞冷酒香  
時態頗隨人上下  
花心甘被蝶分張  
朝稀且莫輕春賞  
勝事由來在帝鄉

鍾陵寒食日與同年裴顏李先輩鄭校書郊外閑游二首

曹松

寒節鍾陵香騎隨  
同年相命楚江湄  
雲間影過鞦韆女  
地上聲喧蹴鞠兒  
何處寄煙歸草色  
誰家送火在花枝  
銀瓶冷酒皆傾盡  
半卧垂楊自不知  
可憐時節足風情  
杏子粥香如冷飭  
無奈春風偷舊火  
遍教人喚作山櫻

寒食日題杜鵑花



一朵又一朵併開寒食時誰家不禁火揔在此花枝

寒食洛陽道

吳融

路歧無樂處時節倍思家綵索颺輕吹黃鸝啼落花  
連軛馳寶馬歷祿聞香車行客賸迴首看春日斜

寒食夜

韓偓

惻惻輕寒剪剪風小桃如雪杏花紅夜深斜搭鞦韆  
索樓閣朦朧煙雨中

避地寒食

避地淹留已自悲况逢寒食欲霑衣濃香孤館人愁  
坐斜日空園花亂飛跡辱漸憂知己薄時危又并賞  
心違一名所繫無窮事爭敢當年便息机

寒食日沙縣雨中看薔薇

何處遇薔薇殊鄉冷節時雨聲籠錦帳風勢偃羅帷  
通躰全無力醜顏不自持綠疎微露刺紅密欲藏枝  
愜意憑欄久貪吟放盞遲官人應見訝自醉自題詩

鞦韆二首

池塘夜歇清明雨遶院無塵近花樹五絲繩繫出墻  
遲力盡終隣見隣圃下來嬌喘未能調斜倚朱欄久  
無語無語兼動所思愁轉眼看天一長吐  
鞦韆打困解羅裙指點醞醐索一樽見客入來和笑  
走手搓梅子映中門

寒食夜有寄

風流大底是侂，此際相思必斷腸。雲路月昏寒食夜，隔簾微雨杏花香。

寒食日重遊李氏林亭有懷

往年曾在鬱橋住，見倚朱欄詠柳綿。今日獨來香徑裏，更無人迹有苔錢。傷心闊別三千里，屈指思量四五年。料得他鄉過佳節，亦應懷抱暗淒然。

寒食二首

李山甫

柳疑東風一向斜，春陰澹澹濛人家。有時三點兩點雨，到處十枝五枝花。萬井樓臺疑繡畫，九原珠翠似煙霞。年今日誰相問，獨卧長安泣歲華。

翠錦袖鬪雞喧廣場，天地氣和融霽色。池臺日煖燒春光，自憐塵土無多事。空脫荷衣浞醉鄉。

寒食日早出城東

青門欲曙天車蓋，已喧填禁柳梳風細。墻花拆露鮮，向誰誇麗景。只此是流年，不得高飛便迴頭。望紙鳶。

丙辰年郡州寒食城外醉吟五首 韋莊

滿街楊柳綠絲烟，盡出清明二月天。好是隔簾花樹動，女郎即撩亂送鞦韆。

雕陰寒食足遊人，金鳳羅衣濕麝燠。腸斷入城芳草路，淡紅香白一羣羣。

開元坡下日初斜，拜掃歸來走鈿車。可惜數枝紅艷



好不知今夜落誰家  
馬驕風疾玉鞭長留去唯過一陣香閑客不須燒破  
眼好花皆屬富家郎  
雨絲煙柳欲清明金屋人閑暖鳳笙永日迢迢無一  
事隔街聞築氣球聲

寒食都門作

胡曾

二年寒食住京華寓目春風萬家金絡馬銜原上  
草玉釵人折路傍花軒車競出紅塵合冠蓋爭迴白  
日斜誰念都門兩行淚故園寥落在長沙

寒食日獻郡守衛使君

是時送酒  
趨來

伍唐珪

入門堪笑復堪憐三運苔葑一釣船慙愧四隣教斷  
火不知厨裏久無煙

樊川寒食

盧延讓

寒食權豪盡出行一川如畫雨初晴誰家金絡游春  
盛擔入花間軋聲  
鞍馬和花摠是塵諤聲處有佳人五陵年少鹿於  
事栲栳量金買斷春

寒食日戲贈李曉侍御

十二月如市紅塵咽不開洒蹄駝馬汗沒處看花來

小寒食舟中作

杜甫

佳辰強飲食猶寒隱几蕭條戴鶡冠春水船如天上



坐老年花似霧中看娟、戲蝶過閑慢片、輕鷗下  
急湍雲白山青萬餘里愁看直北是長安

熟食日示宗文宗武

消渴遊江漢羈棲尚甲兵幾年逢熟食萬里逼清明  
松柏邛山路風花白帝城汝曹催我老迴首渡縱橫

又示兩兒

令節成吾老他時見汝心浮生看物變為恨與年深  
長葛書難得江州涕不禁團圓思弟妹行坐白頭吟

寒食行

王建

寒食家家出古城老人看屋少年行立壠年、無舊  
道車徒散行入衰草牧童駘牛下塚頭畏有家人來

洒掃遠人無墳水頭祭還引婦姑望鄉拜三日無火  
燒紙錢紙錢那得到黃泉但看壠上無新土此中白  
骨應無主



新刊古今歲時雜詠卷第十三

今詩

寒食

作詩寄王晉卿忽憶前年寒食北城之  
遊走筆為此詩

東坡

北城寒食烟火微落花蝴蝶作團飛  
王孫出遊樂忘歸門前駉馬紫金鞵  
吹笙帳底烟霏行人舉頭誰敢晞  
扣門狂客君不麾更遣傾城出翠幃  
書生老眼省見稀畫圖但覓周昉肥  
別來春物已再菲西望不見紅日圍  
何時東山歌采薇把盞一聽金縷衣

寒食雨二首



自我來黃州已過三寒食年，欲惜春去不容憐。  
今年又苦雨兩月愁蕭瑟，卧聞海棠花泥污燕脂雪。  
暗中偷負去，夜半真有力，何殊病少年，疾起頭已白。  
春江欲入戶，雨勢來不已，小屋如漁舟，濛濛水雲裏。  
空庖煮寒菜，破灶燒濕韋，那知是寒食，但見烏銜紙。  
君門深九重，墳墓在万里，也擬哭塗窮，死灰吹不起。

徐使君分新火

臨臯亭中一危坐，三見清明改新火。  
瘴中枯木應笑人，鑽灼不然誰似我。  
黃州使君憐久病，分我五更紅一朶。  
從來破釜躍江魚，只有清詩嘲飯顆。  
起携蠟炬遶空星，欲事烹煎無一可。  
為公分作無尽燈，照破十

方昏暗鑠

和子由寒食

寒食今年二月晦，樹林深翠已生煙。  
遠城駿馬誰能借，到處名園意盡便。  
但掛酒壺那計盞，偶題詩句不須編。  
忽聞啼鴉驚羈旅，江上何人治廢田。

寒食與器之游南塔寺寂照堂

城南鍾鼓闌清新，端為投荒洗瘴塵。  
抱是鏡空堂上客，誰為寂照境中人。  
紅英掃地風驚曉，綠葉成陰雨洗春。  
記取明年作寒食，杏花曾與此翁隣。

和代器之

雨過郊原一番新，尋芳車馬踏無塵。  
普天冷食聞前



古蕭寺清游屬兩人不作佳期間新曆頗同之問感  
餘春明年歸藉梨花上應會群姻及四隣

寒食遊湖上

城頭月落尚啼烏烏傍紅船早滿湖鼓吹未容迎五  
馬木雲先已颺隼鳧映山黃帽螭頭舫夾道青烟鵲  
尾爐老病逢春只思睡且求僧榻寄須臾

寒食日答公擇三

從來蘇李得名隻只恐全齋笑陋邦詩似懸河供不  
辦故欺張籍隴頭龍  
簿書鼙鼓不知春佳句相呼賴故人寒食德公方上  
冢歸來誰主復誰賓

巡城已困塵埃眯執朴仍遭蟣虱緣欲脫布衫携素  
手試開病眼點黃連

寒食遊南湖三首

黃門

春睡午方竟隔牆聞樂聲肩輿試扶病畫舫聽徐行  
適性逢樽酒開懷憶友生遊人定相笑白髮近縱橫  
遶郭春水滿被堤新柳黃官池無禁約野艇得飛揚  
浪泛歌聲遠花浮酒氣香晚風歸棹急細雨濕紅粧  
携手臨池路時逢賣酒壚柳斜低繫纜草綠薦傾壺波  
蕩春心遠風吹酒力無冠裳強包裹半醉遣誰扶

寒食前一日寄仇池

寒食明朝一百五誰家冉冉尚厨煙桃花開尽葉初



綠燕子飛來，躰自便。愛客漸能陪。痛飲讀書無思，嬾  
開編。秦川雪盡，南山出，思共肩輿看麥田。

寒食御筵口号二首

温公

雨意沉沉，潑火餘燼。龍盛集，退朝初。酒殺絡繹來丹  
禁。冠劍參差下玉除。紫鳳歸飛，雲爛漫。黃鸝新轉柳  
扶疎。麥禾滿野，邊烽息，佳節何妨賦樂胥。  
聖主褒優，鼎軸臣金觴。玉醴照青春。萬家烟火朝來  
靜。九陌風光雨後新。飛燕高翻，驚紫綬。餘花點綴，託  
朱輪。問牛因得觀民俗，不獨嬉遊惜令辰。  
次韻和韓子華寒食休沐并諸公會題  
令園暮歸馬上偶成

冠蓋連翩陌上來，風光爛漫擁樓臺。玉卮貯酒隨宜  
飲，綺席尋花解處開。小雨前宵先潑火，季春明日又  
吹灰。須知勝集人間少，惆悵金羈容易回。

寒食許昌道中寄幙府諸君

原上煙蕪淡，復濃寂寥佳節。思無窮。竹林近水，半邊  
綠。柝樹連村，一片紅。盡日解鞍，山店雨曉，天迴首酒  
旗風。遙知幙府清明飲，應笑屨羈旅中。

寒食南宮夜飲

積自留省署，容易度春華。芳草踏青晚，長楸行樂賒。  
雲疎時送雨，風細閣飛花。宜有黃金百，無因過酒家。  
寒食遊南閣獨飲



寒食良辰無賞心雜花爛漫柳成陰若非獨酌酬佳  
景一日風光直萬金

花山寒食

文忠公

客路逢寒食。花山不見花。歸心隨北雁。先向洛陽家。

寒食

宋白

山上杏花飛。階前柳線垂。欲歸未得。羞見雁歸時。

壬辰寒食

王介甫

寒食似楊柳春風千萬條更傾寒食淚欲漲冶城朝  
白髮雪爭出金顏朱早凋未知軒冕榮但欲老漁樵

湖州寒日陪太守南園宴

梅聖俞

寒食二月三月交紅桃破蕊柳添梢陰晴不定野雲

密黥鼓聲湖岸坳使君千騎出南浦歌吹前薄後  
鳴鏡是時輒預車馬末傾市競觀民業拋竹亭臨水  
羨可愛嗑咂草木皆吐苞遊人春服靚粧出笑踏俚  
歌相與嘲使君白髮休尤健自晨及暮奏酒肴爾輩  
少年翻易倦倚席欠伸誰得教公雖不責以正禮我  
意未容誠斗筲送巡秉燭各分散小人爭路何叟

依韻和禁煙近事之什

狂風暴雨已頻過近水棠梨著未多窈窕踏歌相把袂輕  
浮睹勝各飛壻閑牽白日游絲颺細薦黃金舞帶拖小苑  
芳菲花閨藥華堂嘲晰燕爭窠西州駿馬頭如剝南國佳  
人頸似搓結客追隨傾盡榼分朋游樂藉青莎鞦韆競打



遺鈿翠芍藥將開剪纈羅我病乞求新火久無心更聽竹枝歌

寒食

墳塚徧青山高低占原谷向來路已荒今迷問樵牧  
涉水到雲林隔崗聞近哭沃酒白楊下悲風向颺  
雨止梨園殘鳩聲在茅屋

依韻和寒食偶書

去歲逢今日雨寒田舍家繫駝烏白樹燒眼杜鵑花  
轉塢泥塍滑迷村草徑又旋挑初出筍漫搯自生茶  
農父穿粲鬢牛童縮髻了鄉園方在遠看及種胡麻  
依韻和李舍人旅中寒食感事

一百五日風雨急斜飄細濕春郊衣梨花半殘意思

少客子漸老尋游非戢車徒九門盛寥煙火萬  
家微今朝甘自居窮巷無限墻間得醉歸

河陰中寨寒食

擊杵聲初絕為魚夢已殘幽禽哢清曉宿雨度餘寒  
爨火明午灶風旗展一竿歸心慙社燕自歎叫微官

寒食日過荆山

山郵雖禁火嶺樹自生煙嗚咽同歸櫓悲哀欲問天  
泣親非泣玉流淚劇流泉春蕪橫刀膾何心更食鮮

寒食前一日陪希深遠遊十八字院

一百五將近千門烟火微閑過少傅宅喜見老萊衣  
晚雨竹間霽春禽花上飛禪庭清溜滿幽興自忘歸



再至洛中寒食

西洛逢寒食，依依似昔年。  
千門方禁火，九野自生烟。  
飄泊梨花雨，追隨杏葉鞦韆。  
遊人莫惜醉，風景滿伊川。

宋次道一百五日往鄭拜墓

去不避春雨，泣望松柏門。  
颯然風悲響，如感泉下魂。  
沃醑向墳土，空濕陳草根。  
人歸夜月冷，石馬在九原。

一百五日歌

張文潛

山民歲時事，莽鹵猶知拜。  
婦一百五平明，士女出城闈。  
黃土岡前列樽俎，弱苞粉餌蒸野蔬。  
富家烹羊貧薦魚，日暮肩輿路。  
風雨江鄉人家無犢車，插花飲酒山邊市。  
醉後歌聲動隣里，南人聞歌笑相尋。  
北人聞

歌泪滿襟

江城寒食近

江城寒食近，風雨作輕寒。  
花落已可惜，春衣又却單。  
畏人成不出，已老自無懽。  
沽酒金明道，回頭十五年。

自二月末苦雨，前一日始晴。  
視園中花殊不敗，口占。

春雲灑霽，弄朝暉。  
清峭餘寒透夾衣。  
最喜園花渾似舊，十分春色一分歸。

十八日寒食

寒食清明人意閑，春城士女出班班。  
柳黃花白樓臺外，紫翠江南數疊山。



雨中三首

手種堦前樹。今朝亦見花。春陰寒食節。陋巷逐臣家。  
欲酌消愁酒。先澆破睡茶。游人歸路雨。里巷晚喧譁。  
節物只自好。客心何颯然。早風清野市。夜雨濕江天。  
破屋疎茅滴。空厨濕葦烟。政煩一杯酒。相與度流年。  
庭院輕寒春。雨過江城寒。食野花飛。故園北望一千  
里。極目江楓客未歸。

寒食後方持齋誦經而東園游入甚盛因賦

芳物忽過半。寒食已闌珊。園靜鳴鳥下。花稀新葉繁。  
焚香翻貝葉。謝客掩柴關。止酒方清坐。畦蔬助晚餐。  
朝寒却覓春衣薄。禪誦還將酒盞疎。落盡江城千樹

雪。門前楊柳已藏烏。

黃人謂寒食上冢為澆山其祭饌多用  
弱蒸菜事已則鳴鉦而歸因成

携酒澆山去。鳴鉦徹祭歸。青蔬蒸裹弱。白酒市无旗。  
市多私醞日暮人皆醉。夜深歌似啼。上冢歸則路歌  
不立旂望還聲似悲泣。  
故人書問我。何用久居夷。

寒食前一日大雨不止

寒食窮愁嘆陋邦。可憐終日雨淙淙。不妨農畝雲連  
稼。獨惜園花錦脫粧。最苦繁聲欺陋巷。願看晴色放  
春江。明朝日出誰能料。已喜燈花照夜牕。

寒食



荒山野水非吾土。寒食清明似去年。楊柳插門人競笑。吳兒不信子推賢。黃有效北方作子推者人笑之

寒食離白沙二首

莫驚客路已經年。尚有青春一半妍。誠上芳堤望春野。萬絲楊柳拂晴天。花枝裊、水溶溶。楊柳輕明二月風。景物可伶人寂寞。寒食醉眠中。

寒食日同婦子輩東園小宴二首

寒食無與樂。携孥宴小園。青春積雨闕。白日萬花繁。時節悲江國。窮愁滯酒樽。故鄉終在眼。樂事得重論。

寒食招和叔遊園

蘇子美

異鄉風俗傷嘉節。久客情懷喜友人。共挈一樽諸處賞。誰家得似故園春。

寒食阻風

曾子固

畫船齊泊倚青山。正值春風阻往還。江作鼓鼙聲浩渺。樹為戎障綠回環。幽花婀娜偏宜眼。啼鳥交加亦解顏。使者文章才不淺。盡將模楷寄柴關。

寒食假中作

宋景公

九門烟樹蔽春塵。小雨初殘潑火前。草色引開盤馬路。簫聲催暖賣餠天。縈絲早絮輕無著。弄袖和風細可伶。釐署侍臣貪出沐。泯麋珠餽愧頒宣。

寒食野外書所見

一雨初回逗曉涼。近郊連帶儼相望。乞漿易醉墻間  
客。執養初閑竈下郎。暖吹未休緣迥野。低烟不散為  
垂楊。家。鐘鼓爭行樂。肯信龍蛇是怨章。

寒食始長

四海秋風晚。千門夜刻長。梧桐老空井。蟋蟀近人牀。  
暗燭勤垂炷。離鷗短趁行。生平江海志。耿耿未渠央。

寒食日送李公佐歸漢東

有客改南轅。春郊駐祖筵。罇寒禁火國。風暖浴沂天。  
茂草平無際。殘花慘更妍。鹿鳴偕計近。簪盍約初年。

寒食夜偶題

前庭露氣壓輕埃。風砌花陰聚復開。苦恨浮雲心不

淨。月中時污太清來。

寒食東城作

晏殊

王城百五車馬繁。重帷默幕紛郊原。游人得意惜光  
景。恣尋複樹登高軒。平蕪遠水知何許。眼起迢迢空  
處所。梨花澹豔柳絲長。百計撩春作烟雨。歌哭聲中  
半落暉。珂鞍繡轂尚遲歸。荒田野草人間事。誰向伶  
玄淚滿衣。

寒食遊王氏城東園林因寄王虞部

謝墅林亭汴水濱。偶攜佳客共尋春。看花縱擬思君  
子。對竹何曾問主人。促席正逢羲日緩。酡顏仍有郢  
醪醇。朝中九列無閑暇。願作新詩贈李倫。



次韻和恭政陳給事寒食杜門感懷  
班、疎雨欲晴天。迴避春遊入醉眠。新火未來孫閣  
靜。砌苔窻樹兩依然。  
謝堂新句入清歌。雨箔風簾有燕過。未免芳辰歎心  
賞。始知猶患陸才多。

渝南寒食

賈崇儀宗諒

異地逢寒食。客情誰與儔。心搖隴雲下。身寄楚江頭。  
落絮繁絲、恨。飛花片、愁。東風似相念。終日傍扁舟。

禁烟即事

謝李士景初

時節一百五。疾風收雨天。鳥催青帝馭。人重子推錢。  
蹴鞠逢南陌。鞦韆送晚煙。墻間無限醉。唯我獨蕭然。

寒食梨花小飲

蔡襄

江南寒薄春常早。花卉入春先自老。嗟予衰病不及  
時。出見園池半青草。縱有餘葩在葉間。行看落片隨  
風掃。尋春已過索寞歸。重憶歡娛耿懷抱。雖然妖艷  
難再得。但只逢花須醉倒。二月中。寒食朝。墻隈忽  
見梨花飄。開門四顧粲然白。傳催翠奕賓朋招。長吟  
環遶不知數。漸值明月臨清霄。誰翦輕雲成碎蘂。天  
留密雪封枯條。重、盡挂珠璣珞。歎、初呈箇步搖。  
傍花行酒發新唱。滿座例奔黃金瓢。西都姚黃高一  
尺。揚州寶髻分雙翹。幽香絕艷信尤物。設欲置之千  
里遙。壁間寫生亦名畫。未免五彩塗鮫綃。莫如此君



愜人意相對一笑開無慘古來英豪多感激坐使綠鬢朱顏彫勸君且作梨花飲慎勿稱量別品流

寒食西湖

山前雨氣晚終收水際風光翠欲流盡日旌旗停曲岸滿潭鉦鼓競飛舟浮來烟島疑相就引去沙禽好自由歸騎不令歌吹歇萬枝燈燭度花樓

寒食遊公謹園池

二月名園翳鬱青為怡佳節此閑行偶因觴詠心還適暫離塵埃眼倍明風靜落花深一寸日遲啼鳥度千聲主公高意何須道芳物於人自有情

寒食樂詞

皇州令節已藏烟帝渥乘時錫廣筵和氣去添春色重恩光來助月華鮮千聲鳳吹朱門裏一番花香穀雨前更喜簪裳嘉宴日親逢干羽治平年

次韻和抑之寒食

白子儀

良辰今日正寒食收拾賓槃宜再三落筆唱醅宜不倦把花醒醉亦何慙客來常滿眼無白人道半癡心

所甘

此自謂也

幸是禁烟芳節在接離倒戴定能堪

餘花茂草引醺酣禮節休言爵止三芳歲再逢雖強笑少年相對但多慙尚驅俗駕終何適不闢愁門却未甘難把長繩繫春日若非觴筯更誰堪

寒食值雨

梁翰林



春波微綠草連門。寒食烟光可斷魂。細雨隔簾烟火滅。落花風動欲黃昏。

寒食寓懷

明日一百五。春風餘幾何。愁隨新火出。病憶故山多。草色墻陰合。花香宿雨和。耿懷殊不寐。終夕扣壺歌。

奉和

聖製寒食五七言二首 劉筠

垣禁申嚴日餘萌。尺達初蹋青。游騎遠浮棗。禊波舒。錫市喧簫吹。雞場隘酒車。俗康春更樂。綺榭煥晴虛。黍盤交荐藏。烟日絲雨微。沾解禊辰家。有鞦韆。憐月夕。戶垂楊柳慶芳春。波浮素卯祥。蘭馥壟戲名。暈瑞麥新。千里神畿多勝賞。熙、胥會可封民。

山中寒食二首

林逋

方塘波綠杜衡青。布穀提壺已足聽。有客新嘗寒具罷。據梧慵復散幽經。氣象終過一百五。旦待春酒養衰年。中秋不是不禁火。其奈山櫻發欲然。

禁烟遊園

劉御史 貢甫

寒食風光雨歛塵。病餘閑極強頌春。傳呼廣陌雙搖旆。乘興名園一捉輪。列坐賓寮皆俊雅。遶池花木尽奇珍。長吟淺醉歸時晚。蠟炬熒煌改火新。

許州寒食

灌嬰臺畔路。憧、寒食追遊喜退公。堤柳媚烟行細。



綠野橋橫水陣殘。虹鞦韆冷飈梨花雨。蹴鞠高騰鸞  
子風。幾處笙歌幾家哭。却愁迴馬夕陽中。

寒食

魏野

清明時節出郊原。寂寂山城柳映門。水隔淡烟疎竹  
寺。路經微雨落花村。天寒酒薄難成醉。地迥臺高易  
斷魂。回首故人千里外。別離心緒向誰論。

同前

紹宗

年於此日未有不傷嗟。何處未歸客。滿頭猶戴花。  
折碑橫道路。亂葬遶人家。向暮香車散。春風細雨斜。

寒食雨

楊齊

一片春陰一倍寒。萬家春色寂無烟。冷催杜宇朝相

喚。寒逼常娥夜不圓。添得僧家澆藥水。負他公子賞  
花天。東君欲助之推怨。淚濕垂楊眼不眠。

寒食野外

寒食人家事。踏青偶驅羸馬出郊坰。禽聲喚雨嬌相  
說。天色和春困不醒。芳草碧來絲作毯。好花紅處錦  
為屏。回頭盡角江城晚。人倚鞦韆月半庭。

寒食偶成

余安行

海角逢寒食。春深氣尚寒。異鄉追往事。遠客少清歡。  
稚子今趨闕。吾身盍掛冠。老來諸事怯。煮冷作朝飧。

寒食雨晴書事

白雲先生

如何夜來雨。欲妬清明天。皎皎日華曉。千門羅管絃。



風吹綺襦艷，深入楊柳烟。我與君子意，歸心皆浩然。  
寒食日見海榴花感懷遣興

東溪先生

東皇六轡不停撾，三月嘉期已及瓜。鳳管未頽春院  
玉海榴驚見夏停，花年光轉轂真堪惜。眼景循環謾  
自嘉，壯士不妨頻感槩。騷人風詠正而葩。

寒食後雜詠

百歲牕櫺看馬軍，三分春色半分存。人防白髮無靈  
藥，花到明年有宿根。藥殿角宮蜂鼓吹，土囊襁褓竹  
兒孫。風流不及芸，物勝物都盧。只酒罇。

寒食

三月亂花飛，煤煙禁此時。曆家占大火，風土醮之推。  
故事何勞問，芳辰獨可追。香陰陳熟食，自暖有瑤卮。

寒食日蘇林同馬中玉提刑過訪有詩  
示怡然并余吹韻之  
參寥子

使君薄珪組，富貴良易足。一麾下東南，千里爭拭目。  
援毫賦山水，詞力瀉谿谷。勝游便杖履，聒耳厭絲竹。  
西湖破春冰，曉漲翻晴渌。相將二使軺，導從還屏逐。  
後先度若壑，鵠鳩追鸞鵠。樂事殊未央，酒行宜局促。  
風流俄醉舞，客坐瞻頽玉。嵇阮真達生，秦唐謾歌哭。  
斜陽絕湖去，兩槳凌波速。却尋元龍居，隱隱隔喬木。  
到門呼主人，展盡滿高屋。夕鼓來遠近，雨聲飄斷續。



藍輿入城市，夾道鬧燈燭。盛事在餘杭，他年見圖錄。  
寒食二日與王仲至同會李觀察池上  
分韻得風字  
秦太虛  
經春抱病百端慵，偶到平陽舊地中。池籞信為三輔  
冠，杯盤真有五陵風。美人賦韻分春色，上客揮毫奪  
化工。投老漸於花柳薄，但怜流水碧相通。

新刊古今歲時雜詠卷第十四

古詩

清明

清明早赴王門率成

李嶠

游客趨梁郢，朝光入楚臺。槐柳乘曉散，榆火應春開。  
日帶晴虹上，花隨早蝶來。雄風乘令節，飲吹拂輕灰。

清明日龍門游泛

晴曉國門通，都門諳將發。紛、洛陽道南望，伊川闕。  
衍漾乘和風，清明送芳月。林窺二山動，水見千龕越。  
羅袂冒楊絲，香撓犯苔髮。羣心行樂未，唯恐流芳歇。  
清明日詔宴寧王山池得非張說

今日清明宴桂境惜芳菲  
搖楊花雜下嬌轉鶯亂飛  
淶渚傳歌榜虹橋度舞圻  
和風偏應律細雨不霑衣

清明日宴梅道士房

孟浩然

林卧愁春晝褰幃覽物華  
忽逢青鳥使邀我赤松家  
金竈初開火仙桃正發花  
童顏若可駐何惜醉流霞

清明即事

帝里重清明人心自愁思  
車聲上路合柳色東城翠  
花落草齊生鶯飛蝶雙戲  
空堂坐相憶酌茗聊代醉

清明

杜甫

此身飄泊苦西東右臂偏枯半耳聾  
窸窣繫舟雙下淚悠悠伏枕左書空  
十年蹴踘將雛遠萬里鞦韆習

俗同旅雁上雲歸紫塞家人鑽火用青楓  
秦城樓閣烟花裏漢主山河錦繡中  
春去春來洞庭闊白蘋愁煞白頭翁

清明二首

着處繁華矜是日長沙千人萬人出  
渡頭翠柳艷明眉爭道朱蹄驕鬣  
眦此都好遊湘西寺諸將各自軍  
中至馬援征行在眼前葛強親近  
同心事金鐙下山紅粉脫牙樯  
挨拖青樓遠古時喪亂皆可知  
人世悲歡暫相遣弟姪雖存不得書  
干戈未息苦離居逢迎少壯非吾道  
况乃今朝更祓除朝來新火起新烟  
湖色春光淨客船繡羽銜花他自

得紅顏騎竹我無緣胡童結束還難有楚女腰支亦  
可憐不見定王城舊處長懷賈傅井依然虛靈雀舉為寒食  
實藉嚴君賣卜錢鍾鼎山林各天性濁醪鹿飯任吾年

清明日自西午橋至瓜嶽村有懷

張繼

曉霽龍門雨春生汝穴風烏啼官路靜花發毀垣空  
鳴玉慙時輩垂絲學老翁舊游今不見惆悵洛城東

清明後登城眺望

劉長卿

風景清明後雲山睥睨前百花如舊日萬井出清烟  
青草無空地江流合遠天長安何處是遙指夕陽邊

清明日青龍寺上方

得多字

上方偏可適季月況堪過遠近人都至東西山色多

夕陽留徑草新葉爰庭柯已度清明節春愁如客何

清明日送鄧芮還鄉

戴叔倫

鐘鼓喧離室車徒促夜裝曉厨新火出輕柳暗飛霜  
傳鏡看華髮持盃話故鄉每嫌兒女淚今日自霑裳

清明賜公卿新火

大曆十年  
四都省試  
史延

上苑連侯第清明及暮春九天初改火萬井屬良辰  
頒賜恩踰洽承時慶亦均翠烟和柳嫩紅燭出花新  
寵命尊三老祥光燭萬人太平當此日空腹賀陶鈞

同前

韓濬

玉騎傳紅燭天厨賜近臣火隨黃道見烟繞白榆新  
榮耀分他室恩光共此辰更調金鼎膳還暖玉堂人



灼灼千門映輝輝，萬井春應憐聚螢。者瞻望獨無隣。

同前

王濯

御火傳香殿，華光及侍臣。星流中使馬，燭耀九衢人。  
轉影連金屋，分輝麗錦茵。燭知紅燼發，烟染綠條春。  
助律和風早，添鑪暖氣新。誰憐一寒士，猶望照東隣。

同顏使君清明日游因送蕭仇香

釋皎然

誰知賞嘉節，別意忽相和。暮色汀洲遍，春情楊柳多。  
高城戀旌旆，極浦宿風波。惆悵支山月，今宵不再過。

清明日登城春望寄大夫使君 王表

春城閑望愛晴天，何處風光不眼前。寒食花開千樹

雪清明日出萬家，煙興來促席。唯同舍醉後狂歌盡，  
少年聞說鶯啼却，惆悵詩成不見謝臨川。

清明節郭侍御偶并李侍御孔校書王  
秀才游開化寺卧病不得同遊賦詩十  
韻兼呈馬十八郎丞公

崔元翰

山色入層城，鍾聲臨複岫。乘閑息邊事，探異憐春候。  
曲閣下重階，迴廊遙對雷。石間花遍落，草上雲時覆。  
鑽火見樵人，飲泉逢野獸。道情親法侶，時望登朝右。  
執憲糾姦邪，刊書正訛謬。茂才當時選，公子生人秀。  
贈答繼篇章，歡娛重朋舊。垂簾獨衰疾，擊缶酬金奏。

自蜀詔還清明日途經百牢關因題石



門洞

昔佩兵符去今持相印還天臨井絡春物度巴山  
鳥道青冥外風泉洞壑間何慙班定遠辛苦玉門關

和黃門相公詔還題石門洞 趙宗儒

盆部恩輝降同榮漢相還韶芳滿歸路軒騎出重關  
望日朝天闕披雲過蜀山更題風雅韻冰絕翠巖間

同前

鄭餘慶

紫氛隨馬處黃閣駐車情嵌壑驚山勢淋灘戀水聲  
地分三蜀限關志百牢名琬琰攀酬郢徵言鼎飪情

和清明日裴閣老招城南遊覽口號時以疾故有阻追遊 權德輿

紫禁宿初迴清明花亂開相招直城外遠上春臺  
諫曹將列宿幾處期子玉深竹與清泉家家桃李鮮  
折芳行載酒勝賞隨君有愁疾自無悰臨風一搔首

清明日次弋陽

自嘆清明在遠鄉桐花覆水葛溪長家人定是持新  
火點作孤燈照洞房

清明日后土祠送田澈 楊巨源

清明千萬家處是年華榆柳芳辰火梧桐今日於  
登祠結雲騎遊陌擁香車惆悵田郎去原迴烟樹斜

洛陽清明日雨霽 李正封

曉日清明天夜來嵩少雨千門止烟火九陌無風土



酒淥橋市春漏閑宮殿午遊人戀芳草半犯嚴城鼓  
清明日漢上憶與樂天輩遊元稹  
當年寒食好風輕觸處相隨取次行今日清明漢江  
上 身騎馬將官迎

清明日送韋侍御貶虔州 白居易

寂寞清明日蕭條司馬家留錫和冷粥出火煮新茶  
欲別能無酒相留亦有花南遷更何處此地已天涯  
清明日觀妓舞聽客詩  
看舞顏如玉聽詩韻似金綺羅從許笑絃管不妨吟  
可惜春光老無嫌酒盞深辭花送寒食併在此時心

清明夜

好風隴月清明夜碧砌紅軒刺史家獨向迴廊行復  
歇遙听絃管暗看花

清明日登老君閣望洛城贈韓道士

風光烟火清明日歌哭悲歡城市間何事不隨東洛  
水誰家又葬北邙山中橋車馬長無已下渡舟航亦  
不閑冢墓壘人擾遼東悵望鶴飛還

同縣州胡郎中清明日對雨西亭讌

張籍

郡內新開火高齋雨氣清惜花邀客賞勸酒促歌聲  
共醉移芳席留歡閉暮城政閑方宴語琴瑟任搖情

清明日題一公禪室

李郢



山頭蘭若石楠春山下清明烟火新此日何窮禮禪  
客歸心誰是恋禪人

清明日

温庭筠

清娥盡扇中春樹鬱金紅出犯繁花露歸穿弱柳風  
馬驕偏避幘雞駭乍開籠柘彈何人發黃鸝隔故宮

禁火日

駘蕩清明日儲骨小苑東暖衫萱草綠春鬢杏花紅  
馬轡輕銜雪車衣弱向風愁聞百舌殘睡正朦朧

清明日園林寄友人

賈島

今日清明節園林勝事偏晴風吹柳絮新火起厨烟  
杜草開三迳文章憶二賢幾能命駕對酒落花前

湖寺清明夜遣懷

李羣玉

柳暗花香悲不眠獨憑危檻思悽然野雲將雨度微  
月沙鳥帶聲飛遠天久向飢寒拋弟妹每因時節憶  
團圓飭飡冷酒明年在未定萍蓬何處邊

長安清明言懷

顧非熊

明時帝里遇清明還逐遊人出禁城九陌芳菲鶯自  
轉萬家車馬雨初晴客中下第逢今日愁裏看花厭  
此生春色來年誰是主不堪憔悴更無成

清明日與友人遊玉粒塘莊來鵬

幾宿春山逐陸郎清明時節好烟光歸穿細荇船頭  
滑醉踏殘花屐齒香風急嶺雲翻迥野雨餘田水落



方塘不堪吟罷東迴首滿耳蛙聲正夕陽

鄂渚清明日與鄉友登頭陀山寺

冷酒一盃相勸頻鄉相異遇轉相親落花風裏數聲  
笛秀草烟中無限人都大此時深悵望豈堪高境更  
逡巡思量費子真仙子不作陀頭山下塵

清明日江南作

鄭準

吳山楚驛四年中一見清明一改容旅恨共風連夜  
越韻光隨酒著人濃延興門外攀花別採石江頭帶  
雨逢无限歸心何計是踏邊戈甲正重

清明日登奉先城樓

羅衮

年來年去祗艱危春半堯山草尚衰四海清平耆舊

見五陵寒食小臣悲烟銷井邑隈樓檻雪滿川原泥  
酒卮拭盡賈生無限涕一行歸雁遠參差

清明日赤水谷中寺居

榆火輕烟處、新旋從閑望到諸隣浮生浮世祗多  
事野水野花娛病身濁酒不禁雲外景碧峯猶冷寺  
前春蓑衣毳衲誠吾黨自結村園一社貧

長安清明

韋莊

早是傷春夢雨天可堪風草更芊芊內官初賜清明  
火上相閑分白打錢紫陌亂嘶紅叱撥綠楊高映  
鞦韆遊人記得承平事暗喜風光似惜年

清明日曲江懷友

羅隱



君與田蘇即舊遊我於交分亦綢繆二年隔絕重泉  
下盡日悲涼曲水頭鷓鴣鳥似能齊物理杏花疑欲伴  
人愁寡妻稚子應寒食遙望江陵一淚流

清明

孫昌胤

清明暮春裏悵望北山陲燧火開新焰桐花發故枝  
沉冥慙歲物歡宴阻朋知不及林間鳥遷喬並羽儀

清明宴劉司勳別業

祖詠

田家復近臣行樂不違親霽日林園好清明煙火新  
以文常會友唯德自成隣池照牕陰晚杯香葯味春  
簷前花覆地竹外鳥窺人何必桃源裏深居作隱倫

清明日憶諸弟

韋應物

冷食方多病開襟一忻然終令思故郡烟火滿晴川  
杏粥猶堪食榆羹已稍煎唯恨乖親讌坐度此芳年

新刊古今歲時雜詠卷第十四



新刊古今歲時雜詠卷第十五

今詩

清明

清明前一日韓子華以靖節斜川詩見  
招游李園既歸遂苦風雨三日不能出窮  
坐一室家人輩倒殘壺得濁酒數杯泥濁道  
路無人行去市又遠索於筐篋得枯魚乾蝦  
數種強飲疾醉昏然便寐既寤索然因書

所見奉呈聖俞二十五兄

文忠公

少年喜追隨老大厭諠譁  
慙愧二三子邀我行看花  
花間豈不好時節亦云嘉  
因病既不飲衆歡獨成嗟



管絃暫過耳。風雨愁還家。三日不出門。堆灰類寒鴉。  
妻兒強我飲。釘餽果與瓜。濁酒傾殘壺。枯魚雜乾鮓。  
小婢立我前。赤脚兩髻丫。軋弄雙絃。正如榜嘔啞。  
坐令江湖心。浩蕩思無涯。寵祿不知報。鬢毛今已華。  
有田清潁間。尚可事桑麻。安得一黃犢。幅巾架柴車。

清明賜新火

魚鑰侵晨放。九門天街一騎走。紅塵桐花應候催。嘉  
節榆火推恩忝侍臣。多病正愁餽粥冷。清香俱愛蠟  
烟新。自憐慣識金蓮燭。翰苑曾經七見春。

清明輦下懷金陵

王介甫

春陰天氣草如烟。時有飛花舞道邊。院落日長人寂

寂。池塘風慢鳥翩翩。故園回首三千里。新火傷心六  
七年。青盃皂衫無復禁。可能乘興酒家眠。

和君貺清明與上巳同日泛舟温公

繁華兩佳節。邂逅適同時。雅俗共為樂。風光如有期。  
曉煙新里巷。春服滿津涯。已散漢宮燭。仍浮洛水卮。  
占花分設席。愛柳就張帷。華轂爭門出。輕簾夾路垂。  
一川雲錦爛。四座玉山歌。疊鼓傳遙吹。輕撓破直漪。  
清談何袞袞。和氣益熙熙。想見周南俗。當年逸少詩。

次韻酬文忠公

梅聖俞

春候條已和。林上鳴鳥譁。前日是清明。驟雨霑梨花。  
初聞結客游。愛此物景嘉。歌舞未終宴。夕暮各興嗟。

所嗟歸路暗，嘶馬自知家。公家一九妹，鬢髮如盤鴉。  
朱唇白玉膚，參年始破瓜。幾日苦霖淫，當道跳魚鰕。  
閉門飲濁醪，鞦韆繫樹丫。群姝莫要劇，為公歌啞。  
公當是日醉，歡適不可涯。孔氏有高第，內自戰紛華。  
我公豈其然，秉直異蓬麻。果效歸田去，願從招輕車。

依韻和三月十四日清明在席呈

太守風流甚，吟牋寫蜀麻。尋春何處客，映柳阿誰家。  
蠟炬傳新火，朱欄發舊花。月光將欲滿，時地炤鉛華。

清明日卧病有感二首

張文潛

支離卧病逢佳節，漂泊西游寄洛城。重帽畏風惟益  
睡，青筇扶步不禁行。紅飄踈萼知風惡，綠滿新枝聽

鳥聲不見賈生遺宅處，容留金谷舊園名。悲歌身世  
驚將老，悵望古今空。復情笑看人家競時節，爭持新  
火照清明。

飄萍着處即為家，伏枕悠悠對物華。處、鞦韆競男  
女年、寒食亂風花。藹囊侵坐勞頻檢，酒甕生塵亦  
可嗟。未若會尋吳市卒，也須學種邵平瓜。雲煙南望  
山會水樹東浮去，路斜行止此身應有命。不須辛  
苦問生涯。

清明日卧病

鶯花零亂清明日，中葛蕭條老病翁。烏鼎相親勤  
煮藥，素屏深坐怯當風。愛花未免呼兒摘，畏雨還成對



客慵自歎年來怨清鏡，衰顏換盡少年容。

近清明二首

斜日去不駐，好風來有情。江城過風雨，花木近清明。水樹閑照影，山禽時引聲。吾年行老矣，淹泊蹇何成。再上春向老，昏日復斜。鮮懼常止酒，不睡更烹茶。幡起烟中刹，雞鳴樹外家。陳王鬪雞道，風柳不勝斜。

清明日舡中書事二首

清明不到旅人家，乞火隣舡自試茶。弄柳好風低作舞，來舡春浪細浮花。巢鳥噪處綠楊村，寒食人家晝掩門。隴麥晚風收宿潤，烟林午日漲春昏。

清明值雨

宋景公

有渰興芳序，餘寒借慘悽。遠山沉向盡，雜樹望先迷。天闊都城暝，雲昏本自低。漂灰禁餘火，浮棗被殘溪。檻篠風爭亞，汀鳧夜不棲。蓬聲攢釣渚，蓑滴擁煙畦。積潤侵重滿，長嚴墜晚聲。游人盤馬路，獨漉逐春泥。

答友人清明雨思

楚雲朝暮蔽前峯，佳節尋芳已半空。三日薰爐沉蕙綠，一星春火迸榆紅。文鱗對擲回塘水，賀燕交飛翠幕風。悵憶沈齊題句罷，碎英無響墜華桐。

山中清明

一雨東郊卷夕雲，山中坐對寂寥春。高低桃綬紅相



倚輕重榆錢綠不勻。杯冷羅門拋午案。簞殘  
流塵漢鮪漸美。閔魚禁已約溪公下釣緡。  
晦

清明

晚日東南欲照梁。藏鷓密柳暗橫塘。行庖東  
蜜停晨爨。別館薰衣冷夜香。陌上鮮風橫去  
幘。陽濱翠潏泛行觴。獨嗟楚客流芳晚。淹卧  
惜帝眼長。

清明日集西園

日。西園春思催。携觴結客上高臺。正綠從事  
青州至。重許書生洛下來。時州醞既美又命座客賦詩  
早葉已成花半落。新巢未定燕千回。芳辰物  
物皆堪愛。併作高陽倒載媒。

和三司尚書清明

陰岑晚樹飄花外。冷落晨杯擣杏餘。喉舌  
官崇無晤賞。一軒筠粉伴刊書。

途次清明

漠、輕花著早桐。客甌錫粥對禺中。遙知  
闕下頒新火。百炬青煙出漢宮。

奉和聖製清明日二首

璇杓臨乙位。羲御屆婁初。碧浪桃花湧。珍  
叢錦段舒。輪蹄晴縹眊。鍾漏夕虛徐。穆、  
宣溫殿披文日。有餘懈律調元品。彙春青  
陽右。个啓初辰庖烟息。禁農耕盛。蚕器增  
修歲務新。遲日東門催柳色。微寒南陌斂  
車塵。柏梁侍從瞻天什。拜手賡歌軋思頻。

清明日獨酌

王禹偁

一郡官閑惟副使。一年冷節是清明。春來春去何時盡。閑恨閑愁觸處生。漆燕黃鸝誇舌健。柳花榆莢鬪身輕。脫衣換得商山酒。笑把離騷獨自傾。

清明感事二首

無花無酒過清明。興味都來似野僧。昨日隣家乞新火。曉窗分與讀書燈。

日轉鞦韆影漸斜。忍聞絃管在隣家。兒童不慣貧滋味。剛拾榆錢索買花。

榆錢零落麥門芒。魂斷南軒蝶影雙。多謝東風相管顧。解將花片入書牕。

清明日赴玉津園宴集五首 王左丞和甫

清明春律十分回。草色連雲花盡開。禁籞幸隨諸彥入。安車仍賜上師陪。百壺未許都門餞。九奏先從帝所來。魚鑰恩留方賜勸。柳邊遲日莫相催。

蔡侍郎持正

春風盎盎水濺濺。南苑清明雨後天。門外遊人聽玉筥。席間使者勸金船。定須歸路燒紅燭。還有新詩上采牋。舊老戀恩方燕喜。看花應不憶伊川。

章侍郎子厚

南園高燕寵師臣。盛事仍隨節物新。勸餞滿傾仙室酒。崑崙山下有仙室。出酒賜花分得漢宮春。三朝主眷優元弼。五福

福天教萃一身。自昔雲龍如此少。因公感激涕霑巾。

韓樞密 王汝

白髮三公觀禮成。上林花木照清明。金錢賜會當佳節。玉笋流恩異聖情。永日春風延狩樂。千齡熙事屬昇平。叨陪盛集均餘瀝。敢惜歸鞍醉弁傾。

安樞密 厚卿

帝眷三朝輔弼臣。詔頒禁籞燕慈均。已驚貴老恩榮厚。重歎優賢禮意新。使至屢聞天上語。上屢傳宣令酒酣想見洞中春。太平無事忘情久。更接人間事了人。

清明

孫舍人永

每年每遇清明節。把酒尋花特地忙。今日江頭衰病

起。佛前新火一爐香。

清明日書諤公房

魏野

城裏爭看城外花。獨來城裏訪僧家。殷勤旋乞新鑽火。為我親烹岳麓茶。

清明連上巳

上巳歡初罷。清明賞又追。閏年侵舊曆。令節併芳時。細雨驚飛重。春風酒到遲。尋花迷白雪。看柳折青絲。淑氣如相待。天和意為誰。吁嗟名未立。空詠宴遊詩。

清明闕下寄弟汝

豹林先生

清明帝城景若何。柔花媚草矜陽和。風塵九陌車逐馬。人事萬態哭與歌。白雲故山杳何在。朱門俗客慵



相過空思吟嘯遂高興會須瀝懇歸烟羅

清明示弟姪

唐子西

歲華忽忽又清明憶與諸生試集英金鎖掣雷開右掖紵欄披雪照升平立班雉尾身疑夢茂對龍顏目乍驚百拜起居分左右十年肯臆展縱橫愧無長策裨千慮敢昧初心苟一名三道豈能窺董傳乙科今復媿匡衡始吾進取恬無意看汝光華便是榮他日當求田二頃玻璃自足過浮生

清明日許聖傳召飲不赴二首余安行

流年衰老不堪誇懶向風前共戴花賴有故人知我意許教閑處岸鳥紗

清明天氣實堪佳薄春陰蔽日華多少異花呈國色未應臨賞醉流霞

清明三首

春色三停暮兩停五陽充滿發精英年光迅速追難及風景清明昼不成錦被堆中蝴蝶夢黃樓子畔鷓鷯青眼前虫蟻皆如意我輩何愁不稱情

上壠歸來日未西滿頭姚魏間荼蘼盃盤曲水招蘭葉鬻釜清泉陰柳枝奔世倘須新火用寒灰還有再燃時窮愁海戶填將滿不負韶光賴有詩

池觀連金谷盃盤真柏城賞心須窈窕佳景只清明院落含花氣風光快珮聲誰家踈小徑携手即同行



清明後書事四首

鶯啼夜合花香散燕語江南柳色鮮  
蚕市共娛叢帝魄火官初換介推烟  
半愁半喜閨闈景輕暖輕寒子弟天  
可惜男兒經社力為他紅粉送鞦韆  
禱蚕崇廟香烟集歐癘儼師佩服鮮  
池荇舞衣猶曳帶海榴火樹欲生烟  
江花野草離騷景水榭風亭袂禊天  
春女為憐紅欲落輕盈不忍動鞦韆  
巴賓舊國江都樂徵角新腔墨色鮮  
趁水酒家春糯碓順溪園戶焙茶烟  
柳陰花影盤桓地裙帶鞋頭掣洩天  
遊罷不知蚕事迫晤言猶自說鞦韆  
蹴山穀雨大如拳靜洗林峦色鮮芸  
戶社開分漏

鼓畬田燒起順風煙懷沙暮朝賦步履三三兩  
兩天遊妓不知簪珥貴爭高徒伴賭鞦韆

清明感春

花前曾作探花行爛漫于今祇自驚  
春色將堯尤眩目人頭向白更多情  
鳴禽難喚東君住飛箏須追野馬傾  
但趁生前開口笑豈圖身後有虛名

清明晚步書懷

暖風寒力退遲日午陰長草色迺清步  
花香糯醉腸春非私大信人自惜流光  
俗骨無仙壽遨遊待髮黃

清明日湖上呈秦少章

參寥子

水邊花霧曉氤氳春入西湖兩岸深  
冶葉倡條他自



此處抄本載和  
君賦清詩溫公  
作今刪去此首應  
注溫公在地下

媚。朽株枯木我何心。鞦韆索轉朱樓角。博塞聲喧碧  
柳陰。年少故人方感槩。未應從俗強浮沉。

東欄梨花

東坡

梨花淡白柳深青。柳絮飛時花滿城。惆悵東欄一株  
雪。人生看得幾清明。

清明後二日同諸公飲趙道士東軒以日

暮天無雲春風扇微和為韻得和字

寂寥清明後餘春已無多。閑軒賦佳致不惜載酒過  
水木晚尤秀。風烟晴更和。臨樽不盡醉。柰此芳菲何。

清明日道中馬上占

廣平先生

江上晴沙沒馬蹄。梨花樹。匝江湄。田家誰道無寒

食門外鞦韆簇小兒



中国国家图书馆  
NATIONAL LIBRARY OF CHINA



中国国家图书馆  
NATIONAL LIBRARY OF CHINA